

صاحبي ، مديري ، محوري :



آبونه بدلي :
سٺه لکي ۱۰۰ غروش
آتي آيلني ۵۰ »
اوج آيلني ۲۵ »

مخمس

۱۳۳۸

اداره خانه-ي :
شهرزاده باشنده (تعالی اسلام)
جمعیتی مرکز عمومیسی
مرکز توزنی :
باب عالی جاده سنده (اتحاد
تجارت) کتبخانه-ي
اسلامک نفعنه خادم مقالات
مع التشر قبول و درج اولونور

يازانك شخصتي دكل ، يازنك احميقي
نظر دفته آلتير .

دینی ، علمی ، ادبی ، اجتماعی و شمیریدك شهری
مجموعه اسلامیدر

كلن يازيردن شايان قبول كوردولنلر تاريخ
صيراسيله درج اولونور .

في ۷ بوجوق غروش

۱۳۳۹ هجادی الاخره سنه مخصوص نسخه

عدد : ۸

مدير مباحث :

مخمس دینی و علمی : تعدد زوجات حقنه جناب بکه جواب - اسکیلل محمد عاطف . غزالینک روح حقنه کی تلقیائی -
آقسه کیلی احمد حمدی . نصرانیت علماسنک مسلمانلق حقنه حسن شهادتی . رضا .
مخمس تصوفی : تکیه لرك سبب انقراضی - طاهر المولوی . کلمات صوفیه . شیخ صفوت .
مخمس تاریخی : خاندان علم و معرفت - محمد عزت و محمد عارف . مستجابی زاده عصمت بك - سعاد المولوی . مدرس
یوسف افندی مرحوم - علی شوکت . تاریخ وفات . اسماعیل حق پاشا .
عالم اسلام : جاواده شیخ عبدالحیك مقامی - سعدی .
مخمس ادبی : غنی کشمیری و بعض ایانی - طاهر المولوی .
علاوه : هند . ماصالری .

[کناهی اسانندن قویاروب ترك ایتدن جناب حقندن
مغفرت طلب ایتک بالانجیلرک توبه سیدر] [*]
اذا ذكرت الذنب ثم لا تجد حلاوته عند ذكره فهو
التوبة

ابوالحسن الیوشنجی

[کناهی خاطر لایحه آتی تخطر ایتدیگک صرده
لذتی بولوب دویامز ایشه توبه اودر]
زلة واحدة بعد التوبة اقبح من سبعین قبلها
یحیی بن معاذ

[توبه دن صوکره تکرار بر خطا ایشله مک توبه دن
اول یتمش خطا ایشلمکدن دها چیرکیندر]
اللهم اجعلنا من التوابین ومن المتطهرین ومن عبادک
الصالحین الذین لا خوف علیهم ولا هم یحزنون برحمتک
یا ارحم الراحمین آمین

شیخ صفوت



محفل تاریخی :

خاندان علم و معرفت

- مابعد -

نابلس ده خنبی زاده لر . بوگون بو خاندانه (هاشم
زاده لر) دینور . حفاظ حدیثدن (حافظ عبدالغنی) که
(عمده الاحکام) صاحبدر بو خاندانه منسوبدر .

خلیل الرحمن ده جمفری زاده لر . علم قرآندن (شاطیه)
شارحی بونلردندر .

قدس ده دیری زاده لر . که خالدی زاده لر دیه ده

[۱] بومقارده (عسجدی) نک :

از شرب مدام و لاف مشرب توبه * وز عشق بتانی سیم غیب توبه
دل در هوس کنای و برب توبه * زین توبه نادرست یارب توبه
رباعیسی خاطره کلیر که « شراب ایچمه ، حتی ایچمه
سوزنی ایچمه و کوموش کی بارلاق کردنی کوزه لر یسه و مک
توبه . کوکل کنای هوسکاری اولدنی حالده دوداقده توبه لفظی
دولاشیور . یارب ! بو طوغرو اولمایان توبه دن ده توبه ! »
دیگدر .

محفل

هرا غیب طریقه

عوام و خواصه کوره متفاوت درجه لرده بولندیکی
توبه لرک دخی بونلره نسبتله درجه لری متفاوتدر . ائمه
صوفیه حضراتنک کندی مقاملرینه کوره توبه حقنده کی
ملاحظات و مبالغات عالیهرندن بعضیلری بوجه آیدر :

توبة العوام من الذنوب وتوبة الخواص من الغفلة
ذوالنون مصری

[عوامک توبه سی کناهرلدن و خواصک توبه سی حق
تعالی حضرتلرندن غافل اولمقدندر]

التوبة ان تتوب من كل شيء سوى الله عز وجل
ابوالحسن احمد بن محمد النوری

[توبه : حق تعالی حضرتلرندن غیری هر برشیدن
توبه ایتمککنکدر]

شان مابین تائب یتوب من الزلات وتائب یتوب من
الغفلات وتائب یتوب من رؤية الحسنات

عبدالله بن علی بن محمد التیمی

[قصور و خطا لرده بولمقدن توبه ایدنلر ایله جناب
حقندن غافل اولمقدن توبه ایدنلرک و ایشلدیکی ابولکری
کورمکدن توبه کار اولانلرک آرا لرده یک چوق فرق
واردر]

التوبة النصوح لاتبقى على صاحبها اثرأ من المعصية
سراً ولا جهراً ومن كانت توبته نصوحاً لايبالى كيف
امسى واصبح .

ابوبکر محمد بن موسی الواسطی

[توبه نصوح ، توبه کارک اوزرنده ایشانلار معصیتدن
کیزلی ، آشکار هیچ بر اثر براتقاز . توبه سی نصوح اولان
کیمسه نیک آقشام و صبحی فصل اولورسه اولسون او
جهتلی آراماز]

توبه نصوح مقدمه ده بیان ایدلدیکی اوزره شرائط
ثلاثینی جامع اولان توبه در .

الاستغفار من غير اقلع توبة الكذابين

ذوالنون مصری

معروف در . آلتی یوز سنه لك برخاندان علم و معرفت اولوب
اليوم رد و امدر . (هدايه) شارحي سعد الدين الديري الخالدي ،
مفسرين شمس الدين الديري الخالدي وضع الله الخالدي بو
خاندانك آب و روليدر . بو معلومات مجمله في دائرة المعارف
هديه ايتكم لطفكم بولتمش اولان علمای اسلاميه دن
خليل الجواد الخالدي افندي حضرتلری بو خاندانك قيمتدار
بر نجل نجييدر .

حلبده عجمي زاده لر . (ابن العجمي) نك آثاری
چوقدر . اليوم منقرضدر لر .

نحاسي زاده لر . بونلرده اليوم منقرضدر .
جزيره ده (ابن الاثير) خاندانی . جامع الاصول ،
الكامل ، اسد الغابه ، النهايه ، مثل السائر کي آثار معتبره
ومهمه اسلاميه بو خاندانكدر .

بغدادده عبدالقادر كيلاني خاندانی . بو کونکي ناملری
نقيب زاده لر در . يدي يوز سنه لك بر خانداندر . اليوم
پايداردر . علما سلاله سي ۳۰۰ سنه قدر دوام ايتمش
ايسه ده شيمدی زادگانلق دورنده اولدقلرندن او قدر
علما يتشمامکده در .

بصره ده بنو حماد خاندانی . اوچ يوز سنه دوام
ايتمشدر . امام مالک مذهبي بونلر نشر ايتمشدر . محافظه
شريعت مقصديله حلاج منصورك قتلنه فتوی ویرن بو
خاندانه منسوب بر ذاتدر .

باقلانی زاده لر . ائمه متکلميندن (امام باقلانی)
بونلردندر . (وفاتی ۳۰۳ بغداد) عالم اسلامده الك چوق
تألیفاتی اولان (باقلانی) در تألیفاتنك طقسان بيك كاغده
بالغ اولديني مرويدر . باقلانی ، ابن جرير طبري کي کچمشدر .
سمرقنده بنو الصفار (صفار باقيرجي ديمکدر) .
(بستان العارفين) صاحبي امام ابو الليث سمرقدي بو
خاندانه منسوبدر . اليوم منقرضدر .

نیشابورده جوينی زاده لر . ابو المعالی امام الحرمین
عبدالمکک بن يوسف الجوينی بونلردندر . اصول فقهين

(البرهان) اصولدن (الشامل) و (النهايه) بو امامکدر .
کلامدن ارشاد تلخيص ده بونکدر . بو علامه ، تحليلات
معديه و بوکا متعلق علوم ايله ده مشغول اولديغندن يته
برکون معدن اذابه سنده اوزرينه صيچرايان بر شراره دن
البسه سي طوتوشوب محترقا وفات ايتمشدر .

طهران ده خطيب زاده لر . مفسريندن فخرالدين
رازی بونلردندر . امام رازی ، اولاد ابی بکر دندر .
فيروز آبادده ابو اسحق الشيرازی خاندانی . قاموس
فيروز آبادی صاحبي بونلردندر . بو خاندان ؛ صديقي ، يعنی
اولاد ابو بکر دندر .

اصفهان ده ابن منده خاندانی . اجله حفاظ حديثدن
(مسند) صاحبي (ابن منده) بو خاندانه منسوبدر . علمای
سیردن ابن الاثير (اسد الغابه) سنی بو اثر دن آلمشدر .

مدینی زاده لر . حافظ ابو موسی بو خانداندر .
(غريب الحديث) ناميله مشهور بر اثری واردر .
دوان (شيرازده بر ناحيه در) ده دوان خاندانی .
معروف بر خانداندر و صديقيدر .

بخاراده خواهر زاده لر . فخر الاسلام پردوی زاده لر .
(اصول پردوی) بونلر کدر .

محبوبی زاده لر . اصولدن تنقيح و توضيح بو خاندانك
اثيردر . فقهين وقايه صاحبي (صدر الشريعه عبدالله
کونک) بو خانداندر . بخاراده بو خانداننك چوق
فقيها يتشمشدر .

نیشابورده بيع زاده لر . حاکم ابو عبدالله النیشابوری
که بوتون حديثی احاطه ايتديکي ايجون حاکم دينلشمشدر .
بو خانداندر . ائمه حفاظ حديثدنر .

ماوراءالنهرده ماتريدي زاده لر . (تأويلات) کي بر
اثر مهم و جليل يازان (ابو منصور ماتريدي) بو خاندانه
منسوبدر . فخر الاسلام پردوی ده ابو منصورك نسلندندر .
محمد عزت و محمد عارف
- مابعدی وار -